

Vnd als auch die Gewercken / sich beschweret / das die Düttenreuter im abtreiben grosse stich proben sollen nehmen / Demnach so sollen hinfuron die Düttenreuter die pley zu proben / in model giessen / oder darmit heraus schöpffen / darinnen vngesährlich / drey Lot gegossen inügen werden / die sollen die Düttenreuter halb / vnd die ander helfft die Düttenreuter zu der prob nehmen.

Also sollen auch die Düttenreuter / ans den stichen / die pleyproben in ein sonderlichen Model giessen / darcin ain oder anderhalb Lot werckpley gehe / das vbrig solle widerumb zu den werckigen pleyen gethan werden.

Der Fünfft Artickel.

Von den Abtreibern vnd ihrem Beuehl.

Unsere Hauptman oder Verwalter / sol zu jeder zeit / verstendige frumme vnd getrewe leut / souiel man deren zu notturfft / gemaines Bergwercks / zum abtreiben bedarff annehmen / bestettigen vnd veraiden / vns inn alle weg vnd den Gewercken / zu ihrer arbeit getrew vnd gewertig zusein / ihrer arbeit des Abtreibens mit vleis für zusein / sich an ihr gemachten besoldung / begnügen zulassen / vnd keines andern nutz noch zugangs darvon wie zu erdencken zugewarten / vnd diser Ordnung / souiel dieselb sie betrifft zugeleben.

Die Abtreiber / sollen ihre herde / mit allen gebürenden vleis / vnd guter fürsichtigkeit / machen / auch sie mit getrewen vnd vorstendigen Schürern / oder helfferknechten versehen / die werck mit der fürsichtigkeit treiben / darmit durch ihren vnuorstandt oder vn vleis / durch auffstehen des herdes / oder andern zufals / den Gewercken an ihren Silbern / kein nachteil oder schaden zugefügt werde.

Vnd ob es ausfündig gemacht / das durch eynes Abtreibers vnuorstandt / vnuorsichtigkeit / vn vleis oder nachlässigkeit / den Gewercken schaden zugefügt / der sol zum abtrag / den Gewercken auff ihr ansuchen zuthun / geweiß / vnd darzu ernstlich gestrafft werden.

Die